

Starfsábyrgðartrygging lækna er valkvæð trygging sem bætir líkamstjón sem váttryggður eða starfsmaður hans veldur þriðja manni við framkvæmd læknismeðferðar. Um trygginguna gilda þessir skilmálar og almennir skilmálar félagsins nr. 001.

Váttryggður er sá læknir sem skráður er á váttryggingarskírteini.

1. gr. Hvar gildir tryggingin?

Váttryggingin gildir hvar sem er á Íslandi.

2. gr. Hvað bætir tryggingin?

Váttryggingin greiðir bætur vegna skaðabótaskyldu er fellur á váttryggðan sem lækni, þegar þriðji maður verður fyrir líkamstjóni sem rakið verður til læknisverks váttryggingartaka sjálfs eða starfsmanns hans.

3. gr. Undanþágur

Váttryggingin tekur ekki til:

- Ábyrgðar sem váttryggður tekur á sig og er víðtækari en venjuleg skaðabótaskylda utan samninga.
- Líkamstjóns eða skemmda á munum sem hlýst af öðrum ástæðum en læknismeðferð.
- Tjóns vegna meðferðar sem váttryggður hefur ekki réttindi til að framkvæma samkvæmt lögum eða heimildum stjórnvalda.
- Tjóns sem felst í að meðferðin, þ.m.t. lyfjagjöf, hafði ekki þau áhrif sem að var stefnt, varð dýrari en hliðstæð meðferð eða reyndist ónauðsynleg eða árangurslaus.
- Tjóns vegna mengunar lofts, jarðar, gróðurs, vatns eða sjávar.
- Tjóns að völdum þess að lögvernduð einka- og hugverkaréttindi hafa ekki verið virt.
- Starfa sem unnin eru á vegum sjúkrastofnunar nema unnið sé án endurgjalds og ábyrgðin hvíli ekki á hlutaðeigandi stofnun samkvæmt gildandi réttarreglum um atvinnurekendaábyrgð.
- Starfsemi utan Íslands eða bótaábyrgðar sem er ríkari en eftir íslenskum reglum um skaðabótaskyldu eða ákvörðun bótafjárhæðar.
- Tjóns sem hlýst af bótaskyldri háttsemi váttryggðs eftir að starfsleyfi hans hefur fallið niður eða starfsheimildir hans eru af öðrum ástæðum ekki lengur fyrir hendi.

4. gr. Tímatakmörk

Váttryggingin tekur til skaðabótakröfu gegn váttryggðum sem til stofnast á váttryggingartímanum, án tillits til þess hvenær það atvik varð, sem krafan reis af.

Skaðabótakrafa telst gerð þegar hið fyrra af eftirfarandi tilvikum hefur borið að höndum:

- Að þriðji maður gerir skriflega skaðabótakröfu á hendur váttryggðum.
- Að váttryggðum verður fyrst kunnugt um, að þriðji maður hefur orðið fyrir fjárhagslegu tjóni, sem kann að verða rakið til gáleysis váttryggðs eða starfsmanna hans, eða að bein hætta er á að slíkt tjón verði.

Váttryggingin tekur ekki til tjóns vegna skaðabótakröfu, sem gerð hefur verið á hendur váttryggðum á váttryggingartímanum, hafi krafan ekki verið tilkynnt félaginu í síðasta lagi 3 mánuðum eftir lok váttryggingarinnar. Þótt tjón teljist hafa orðið á váttryggingartímanum og það hafi verið tilkynnt félaginu innan 3 mánaða eftir lok váttryggingarinnar, tekur váttryggingin ekki til slíks tjóns nema váttryggður hafi mótttekið skriflega skaðabótakröfu og tilkynni það félaginu í síðasta lagi innan 2 ára eftir lok váttryggingarinnar.

Skilmálar þessir gilda frá 2. október 2019.